


14

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
JUL 29 1946

T.2820/0162

欽定廓爾喀紀畧

卷二十一
之二十一



欽定通志卷之三十一

三月十八日

丁巳

福州府志卷之三十一

後一處山嶺甚高在崎嶇處其形如

地與天相連其石之虛繞以行走其

是七日以前之文州其氣味可與

遷多倫地則其後至西極所屬

連通風雲天氣

欽定廓爾喀紀畧卷二十一

二月十八日丁巳福康安奏言臣自過瑪楚喀以

後一路雪山層巒路徑崎嶇駝馬俱形疲乏就地牧放以及冰大難行之處繞山行走共計耽延七日前聞一交藏界氣候即可漸和不料自過多倫巴圖爾後至西藏所屬三十九族番地連遇風雪天氣更覺嚴寒程站亦逾加寫遠兼

之糞草缺乏之必須沿途撿拾始足稍供炊爨冒
雪前行尚無阻滯惟馬匹疲乏無可更換因在
察珠喀地方停住一日次早勉力前進至楚札
噶拉地方馬力更疲且多倒斃者差人赴各番
族地方催僱烏拉而番子所居遼遠一時不能
齊集守候三日正深焦急適鄂輝遣鹽茶道林
儒自藏攜帶烏拉馬匹來迎因將長馬酌量更

換行走方能迅速一過喀拉烏蘇係達賴喇嘛
所屬地方天氣驟覺和暖冰雪漸已融化得以
併站遄行於正月二十日馳抵前藏臣自西寧
口外以至藏地程途遼濶共計四千六百里實
不下五千餘里時值隆冬竟無貿易番子來往
此次行走除前後耽延共十一日外實行三十
九日詢之通事番子人等皆言喇嘛等行走總

須一百二三十日不能如此迅速此皆仰賴
聖主恩光遠庇祇迓

天麻一路並無阻滯間遇馬力疲乏難以前進之時卽
有接續更換事機甚爲順利隨行人衆行走俱
屬平寧所過風雪瘴癘地方並無疾病臣不勝
欽感欣幸之至臣行至嘉勒察穆距藏兩站濟
龍呼圖克圖地穆呼圖克圖及衆呼圖克圖大

喇嘛等來迎恭請

聖安臣卽宣諭

聖恩優加慰勞各呼圖克圖極爲欣感詢以藏地情
形俱稱唐古忒人等聞知

大皇帝調派大兵來藏勦賊人心大定僧俗人等俱
各安居復業等語及臣到藏之日噶布倫第巴
頭人及僧俗番衆並在藏貿易之克什米勒巴

勒布商人等先後紛紛迎接無不感激歡欣察
看情形地方極爲寧謐近藏番民各寨落亦皆
安靜實堪仰慰

聖懷至現在賊匪逗遛邊境情形臣先後接准成德
鄂輝咨會據稱上年十二月三十日本年正月
初二日經成德兩次帶領官兵與賊接仗業將
聶拉木東邊賊寨燒燬其有跳出寨房冀圖逃

竄之賊卽被官兵分投殲戮殺死賊匪二百餘
名捉獲活賊七名惟西北官寨現有小頭人帶
兵一百餘名在內把守等語臣查聶拉木爲賊
匪出入要路現經鄂輝成德先後帶兵到彼將
東邊賊寨焚燬其西北賊寨僅有賊匪一百餘
名水道俱已斷絕當此官兵四面攻圍諒釜底
遊魂斷難逃竄惟濟隴絨轄兩處尚有賊匪在

彼佔據恐一聞聶拉木賊黨被官兵剿殺乘間竄回以致稽誅漏網臣已飛咨鄂輝成德認真出力相機調度派兵堵禦擒拏賊匪大頭人以備訊問一面剿殺聶拉木被圍賊匪一面將濟隴緘轄兩處賊人歸路先爲斷絕勿使一名逃竄並先派巴圖魯尚衛墨爾根保等馳赴聶拉木軍營以供調派臣現抵前藏將應行查辦事

件趕緊辦理數日內卽當啓程前赴軍營將邊境逗遛賊匪全行剿洗若賊匪業已竄逃賊境道途險阻該處兵丁祇有二千餘名不特留防後路兵數無多卽帶往進剿之兵亦屬不敷調派應俟會集各兵再行尅期大舉仍於進兵之先偵探賊勢一有可乘之機卽行隨時酌辦所有續調屯兵二千名據孫士毅知會於上年十

二月初十日出口現在飛催帶兵鎮將加緊行走並飭行各站員土司於屯兵到站之時速備烏拉隨到隨行不得稍有遲悞約計二月中可以到藏其索倫兵一千名添調屯兵三千名三月內方可到齊於春融進剿之期不致遲悞福康安又奏言廓爾喀兩次滋事緣由臣於途中見達賴喇嘛節次所遣之人逐一詢問一面

札詢鄂輝成德令將先後情節據實聲覆到藏後復徧加訪察質詢在事說和之卓尼爾喇嘛敦珠布彭楚克並於達賴喇嘛接見之次詳細問明所言均各相符緣廓爾喀係西藏邊外一小部落自吞併巴勒布之若囊陽布郭庫木三處部落之後漸肆強橫見唐古忒番衆軟弱有意欺凌適沙瑪爾巴自前藏前往廓爾喀地方

與大頭人巴都爾薩野交好將藏中虛實告知
從中慫恿外夷惟利是圖頓萌窺伺之意因廓
爾喀新鑄銀錢較巴勒布舊銀錢畧高欲以一
文當作兩文行用藉此爲詞與唐古忒尋衅於
乾隆五十三年五月寄字達賴喇嘛商定兌換
銀錢價值達賴喇嘛尚未回覆卽於六月內搶
佔霸拉木等處邊界唐古忒兵丁怯懦不能取

勝成德鄂輝帶兵進剿陸續經過前藏面見達
賴喇嘛告知賊匪藉端滋擾仰賴

大皇帝天威似須發兵進剿方可一勞永逸使賊知
所畏懼成德鄂輝亦俱以用兵爲是其時戴琫
巴載寄字來藏意在講和希圖目前完事公班
第達卽轉稟達賴喇嘛未經應允及巴忠過前
藏時達賴喇嘛亦以應行進剿爲言巴忠回稱

且至脅噶爾面見鄂輝成德再行相機酌辦旋
卽會銜札知沙瑪爾巴曉諭廓爾喀令其投順
廓爾喀遵奉檄諭情願投誠經巴忠一面寄信
達賴喇嘛一面令廓爾喀立具甘結永遠不犯
大皇邊界而所佔之聶拉木等三處地方賊匪尚未
全行退還班第達之子噶布倫丹津班珠爾班
禪額爾德尼之父巴勒丹敦珠布玉陀噶布倫

扎什敦珠布濟仲喇嘛羅布臧卓尼爾喇嘛敦
珠布彭楚克撒迦廟歲琿喇嘛索諾木伊錫五
人前往說合尚未向達賴喇嘛及巴忠成德鄂
輝等預行稟明私與廓爾喀頭人巴穆薩野達
薩爾商議許銀贖地沙瑪爾巴從中主持代寫
合同兩邊定議之人一一列名鈐用圖記內開
每年許給元寶三百個合銀一萬五千兩按年

付給倘有反悔神佛必降咎災等語丹津班珠
爾等以年年給與元寶三百力量不能復向沙
瑪爾巴講論沙瑪爾巴另寫合同一紙自五十
四年爲始給付三年後再行商議當經丹津班
珠爾向札什倫布及撒迦呼圖克圖廟內並後
藏貿易鋪家湊借元寶三百個如數交清巴忠
因急欲蕝事以該噶布倫等業已和息賊匪又

復乞降遂任其私議完結鄂輝成德因巴忠係
欽差大臣諳悉番情既已主持其事亦卽隨同附和
將就了事廓爾喀貢使到營謁見時並未提及
許銀之事巴忠等佯爲不知並未深加究問亦
未據實奏明其所奏地租欠賬之事因從前濟
隴地方原有一半隸屬巴勒布之陽布部落第
五輩達賴喇嘛時始歸西藏該處地本產鷹番

欽定四庫全書
卷二十一
民每年只與巴勒布送鷹並無地租之說自被
廓爾喀吞併後亦卽無送鷹之事廓爾喀兩次
侵擾藏地並未以濟隴會屬巴勒布爲辭藉端
提及是所云地租欠賬實係附會具奏丹津班
珠爾等回至前藏當將辦理實情稟知達賴喇
嘛懇將後藏所借銀兩在商上清還達賴喇嘛
以所辦冒昧將來必有反覆今既定議和息廓

爾喀業已投誠勢難更改祇可任聽爾等所爲
等語隨將丹津班珠爾等在後藏所借銀兩於
商上給還此上次廓爾喀滋擾藏事噶布倫等
給銀私和之實在情形也迨至五十五年秋間
廓爾喀差人至達賴喇嘛處講論銀錢索取銀
兩達賴喇嘛本屬不願又因阿旺族爾提穆來
藏均未准行噶布倫等不敢與之籌議事遂中

止旋經達賴喇嘛遣卓尼爾喇嘛敦珠布彭楚
克前赴廓爾喀界上言爾旣仰蒙

錫封王爵列在藩服與藏地永相和好不應復照前
議給銀廓爾喀不允令卓尼爾回藏稟知達賴
喇嘛另派妥人前往達賴喇嘛以此事終非了
局惟恐反覆不結致滋事端因復派堪布喇嘛
托格穆特商卓特巴吉彌敦第備帶元寶銀一

百五十個先與講論倘若未允再以此銀付給
將所立合同撤回永斷昔因藤嗣後不得再索詎
廓爾喀心存黠狡聲稱堪布喇嘛托格穆特等
亦非緊要之人指名令丹津班珠爾及達賴喇
嘛之叔阿古拉赴邊界面見定議阿古拉業已
病故丹津班珠爾遂與玉陀噶布倫扎什敦珠
布戴琿扎羅結札薩克喇嘛格桑定結四人前

往又恐堪布等所帶元寶祇及一半之數難以
撤回合同復帶元寶一百五十個前往甫經見
面卽被廓爾喀誑騙裹去伊等兩次所帶元寶
共三百個尚未付給賊匪搶去一百八十個其
餘存在脅噶爾地方未經被搶此上年廓爾喀
復來滋擾丹津班珠爾等被賊誑騙之實在情
形也臣查此事總由唐古忒人等素性怯懦祇

顧目前不思後患達賴喇嘛不願說和所見甚
正而丹津班珠爾等意在講和經巴忠催令速
行完事竟爾私自許銀定議將來賊匪若將丹
津班珠爾送出卽當嚴切審訊遵

旨送京辦理並將藏內噶布倫專擅管事之習嚴行
飭禁另定章程力除積弊班第達在藏年久伊
子辦理此事雖不得諉爲不知但已年逾七旬

患病甚重俟將來丹津班珠爾送京時再當遵
旨宣諭以安其心至巴忠意圖將就完結不欲進兵
所有許給銀兩之事雖未據卓尼爾等供出係
巴忠定議而其志在講和催令噶布倫等完結
未必不預聞其事此時亦無從質問鄂輝成德
初意尚欲用兵及至噶布倫等議定和息卽附
和巴忠顛預完結並不據實奏明及臣寄札詢

問時始行和盤託出其咎實屬難辭臣卽日前

赴軍營面覓鄂輝成德再將因何扶同不奏之

處嚴行查詢伊等如能感激

聖恩認真出力帶兵殺賊再當酌核功罪據實具奏

至此等私相說合之事本屬不成事體今臣帶

兵進剿不值復提前項卽唐古忒向與廓爾喀

貿易往來或因鹽稅細故辦理未公廓爾喀心

懷不服名譽有因此時亦不值爲之理論惟有
聲罪致討使賊匪知所畏懼永靖邊圉以仰副

聖主安輯衛藏至意

福康安又奏言臣前抵西藏交界達賴喇嘛遣

人遠來迎候行至哈喇烏蘇係達賴喇嘛所管

地方屢次差人迎接致送食物臣俱優加酬答

差官先往問候並經達賴喇嘛班禪額爾德尼

聖訓告知暫署駐藏事務侍衛額爾登保以臣係

御前親信大臣奉

旨特派來藏統兵剿賊實深感激欲親自下山迎接

聖安恭請

聖安臣以達賴喇嘛班禪額爾德尼總領黃教仰蒙

皇上優禮向無下山恭請

聖安之例且山下時氣不正出痘甚多班禪額爾德

聖恩尼年齒尚輕恐有觸染轉非仰體

恩慈體恤之意再三遣人辭阻臣即於到藏之日先

赴布達拉叩謁

聖容隨至經堂達賴喇嘛班禪額爾德尼下座迎至

自於堂外恭請

聖安臣告以

聖躬萬安精神日益強固達賴喇嘛班禪額爾德尼

歡欣讚頌形於辭色臣復將

恩賞哈達朝珠荷包等物親為

賞給傳

旨致問並敬宣面奉

諭旨以此次官兵遠赴衛藏征剿廓爾喀賊匪全為

保護達賴喇嘛班禪額爾德尼及各僧俗番民

人等俾得安禪復業以副

聖主護衛黃教崇重佛法至意全藏僧俗人眾自必
 深知頂感賊匪擾至後藏人心未定前任駐藏
 大臣保泰遇事張皇遽欲請達賴喇嘛移至西
 寧泰寧等處達賴喇嘛深明大義不肯遷移
 大皇帝聞之極為嘉獎半載以來
 大皇帝籌辦軍務調發大兵
 宵旰屢懷勞心焦思無日不奉

訓諭無事不秉

廟謨又以藏地遼遠轉運維艱就地採辦糧石不惜

多發

帑金按時給價並奉

面諭諄切恐藏內辦事之人未能從長計畫祇顧目

前唐古忒兵丁又多怯懦使賊匪生心長智又

如上次辦理未妥致有反覆將來剿平賊匪後

一切善後事宜必須另立章程逐一籌辦務使
邊圉永寧達賴喇嘛班禪額爾德尼慧性明澈
於藏地利弊諒所周知所有將來應辦應改各
事宜自當曉諭僧俗人眾一一永遠遵奉伊等
亦必明喻
聖意感激奮興如此宣諭冉三達賴喇嘛同班禪額
爾德尼告稱前後藏地方仰沐

聖恩振興黃教我等久叨

殊眷渥被

恩施此次因衛藏之事不遠萬里
特遣親信大臣督兵勦賊保護復蒙

賞賚物件

恩諭諄諄凡茲蠢動含靈皆應知感何況我等夙叨
慈庇得以奉教安禪番民等具有人心均沾

化澤敬聆

諭旨無不心悅誠服頂感難名至賊匪滋擾藏地時

因保守布達拉安撫大眾不肯遽行遷移亦係

分所應爲之事屢蒙

聖明獎諭尤切感慚將來應辦事宜悉聽裁酌主持

永遠遵奉自於藏地大有裨益所有我等感激

之忱敬具表文無量壽佛等件恭謝

天恩並懇代爲詳細具奏等語

察看達賴喇嘛等

及藏內僧俗番衆感激光景凡有交辦事件無

不遵奉不致退有後言稍形格碍再查前藏居

住之巴勒布共有四百餘名頭人恩啓畢樹達

拉等帶領迎接

臣詳加詢問其中並無廓爾喀

之人詢之達賴喇嘛等俱稱伊等在藏甚屬安

靜不敢生事

臣到藏後傳見該頭人令其約束

在藏之巴勒布等各安生業並諭以廓爾喀賊
匪前將爾部落吞併蹂躪今大兵進剿廓爾喀
爾等得以洩忿自應共知欣感據該頭人等跪
稱我等在藏地貿易居住年久聞得本處部落
被廓爾喀搶佔家室離散正深憤恨今蒙
大皇帝發兵剿賊我等私仇亦可藉此報復聞得廓
爾喀恃強恣肆新併各處人心俱不能貼服大

兵一到斷難抗拒等語臣察看巴勒布番衆敬

畏情形尚爲真切與廓爾喀賊匪似非一氣其

中若有熟悉路徑能探賊匪情形之人擇其有

家室在藏者卽遵人衆亦去其風平寧也賊風

自密爲訪出酌量賞賚鼓勵帶往軍前以備差遣臣

仍當隨時留心防範斷不致奸細混入稍有疎

虞均奏入

上命軍機大臣傳諭福康安海蘭察奎林惠齡鄂輝
成德勒保曰福康安自正月初二日摺報後久未
接據到藏奏報正切懸念茲據奏自到藏交界後
一路並無阻滯隨行人衆行走俱屬平寧所遇風
雪瘴癘地方並無疾病此皆仰賴
上天默佑欣慰之餘益深虔感至所奏接准鄂輝咨會
兩次與賊接仗得勝惟恐濟隴絨轄兩處賊匪乘

間竄回飛咨鄂輝等相機堵截將濟隴絨轄兩處
賊人歸路先爲斷絕並先派巴圖魯侍衛等馳赴
聶拉木以資調派福康安辦理數日卽啓程前往
俟會集各兵再行尅期大舉仍偵探賊勢一有可
乘之機卽行隨時酌辦各節於籌辦機宜已得窺
要看來事機極爲順利福康安抵藏後將應行查
辦事件趕緊辦理自卽行啓程目下諒已早抵聶

拉木邊界即日統領大兵進剿惟計日以待捷音
 至福康安詢廓爾喀滋事緣由甚為明晰此事啓
 衅之由總因上次巴忠辦理錯謬許銀贖地所致
 是以巴忠一聞廓爾喀侵擾藏地之信即投河自
 盡否則何以輕生若此節次查詢業已得其梗概
 今福康安詳悉查奏情弊顯然竟與朕所料脗合
 可見回匪各戰戰兢兢誠恐朕知之而難而

天心垂眷先啓朕衷從此聲罪致討必蒙

天佑迅奏膚功也至巴忠辦理此事現據福康安查奏

巴忠過藏時達賴喇嘛亦以應行進剿為言巴忠

未經允從迨許銀和息時達賴喇嘛示以此事所

辦冒昧將來必有反覆可見達賴喇嘛能識大體

人尚明白其辦理錯謬之處竟係巴忠與丹津班

珠爾二人主意貽誤滋衅即班第達亦未嘗不知

但且不必深問鄂輝成德與巴忠等同辦此事且係聯銜具奏斷無不預聞之理今因伊二人現在帶兵勦賊是以罪坐巴忠一人然鄂輝成德豈得置身事外總看伊二人如何奮勉出力立功自贖耳再前因巴忠在藏並未將巴勒布與廓爾喀兩處部落情形分晰奏明而保泰雅滿泰所奏亦屬含混朕不知詳悉恐巴勒布部落久爲廓爾喀兼

併其在藏貿易之巴勒布人等與廓爾喀自必聯爲一氣是以降旨諭令福康安到藏留心查辦伴送驅逐今福康安傳諭巴勒布頭人令其約束在藏之巴勒布等各安生業該頭人等俱稱巴勒布部落被廓爾喀侵佔正深憤恨今聞大兵進勦我等私仇可藉此報復等語可見廓爾喀恃強恣肆人心俱不貼服現經福康安於在藏巴勒布人擇

其有家室者酌加賞賚鼓勵帶往軍前以備差遣
是巴勒布番衆可爲我用或令其跣探賊情作爲
嚮導於進剿更爲有益前此驅逐巴勒布貿易人
等之語竟可不必提及但於善後事宜詳議可也
至達賴喇嘛班禪額爾德尼知福康安係御前親
信大臣特命來藏統兵進剿廓爾喀卽欲下山迎
接致敬具見感忱忱惻此次福康安在藏拜發奏

摺係由四川青海兩處分路馳遞今從四川驛遞
之摺先到而青海之摺尚未遞至自係青海一路
道路崎嶇行走遲緩此後續奏之摺竟專由四川
驛站馳遞較爲迅速其青海至藏新設臺站一俟
官兵過竣竟當速行撤去著再傳諭勒保卽遵前
旨迅速裁撤鄂輝現已諭令回藏辦事其藏內新
設臺站亦著於官兵過竣後以次捲撤省煩費而

示體卹

十九日戊午勒保奏言查頭起官兵于正月十四

日入涇州境以後各起俱間二日一起到來經

署藩司鄭製錦協同道府副叅等官沿途照料

所有車馬廩給等項俱妥協應付并于尖宿處

所遵

旨散給猪羊肉麪飯食並無貽悞各官兵均沾實惠

莫不感激

皇仁歡忭行走各起行抵蘭州之日臣仰體

聖主軫恤軍行至意復捐備銀一千兩分給各兵每

名銀一兩以為添補衣履之用臣即先期趕赴

西寧將青海各旗所辦馬三千匹每起撥馬六

百匹計每兵一名給馬三匹正足敷用其各起

帶兵官員所需馬匹臣于各營騎操馬內共挑

就好馬六百匹除應給例馬之外又各分給餘
馬所有應行裹帶鹽菜口糧鍋帳火藥鉛丸火
繩柴薪等項臣俱按照各官品級兵丁跟役名
數預備數餘分作五起一一裝備齊全仍用駝
隻馱運分配停妥茲烏什哈達帶領頭起官兵
星二於正月二十四日行抵西寧其後起各兵亦已
陸續到境臣復接奉

諭旨該兵丁等衝寒遠涉均堪軫念著勒保于該官
兵行抵西寧時加恩每兵每名各賞給銀二兩等

聞因臣隨將

恩賞銀二千兩并前
賞之平安丸一千圓按起分給該官兵等收領之下

感激

鴻慈歡聲載道各起官兵俱在西寧暫住兩日收拾

行裝仍照自京起身章程分爲五起於正月二

十七日二月初一初四初七初十等日先後起

程出口臣料理事竣卽于十三日起身回省奏

入報

聞

欽定廓爾喀紀畧卷二十一

欽定廓爾喀紀畧卷二十一

二月二十二日

辛酉

鄂輝成德奏言查聶拉木賊

匪佔據西北官寨所恃牆垣堅厚拒守不出全

在用火攻燒方可立時轟擊惟牆高不能爬越

火彈難拋節次挖取地道均爲牆根大石所阻

其東邊本有門洞一道惟有將此燒開門內雖

有石塊堵築究係鬆浮我兵一擁向前自可直

入勦殺_臣等於十二月十一十二兩日督兵先

挖溝道用擋牌搬運柴薪堆於門口正擬放火

十二日午後大雪繽紛火力不能上炎連下三

日約有三尺餘深直至十五日午刻始稍開霽

_臣等隨令漢屯官兵於十六日復運乾柴各執

火彈潛至東邊門洞口刨去餘雪引燃柴火拋

置火彈火勢騰起將門洞房簷燒着並被火彈

衝開石塊火焰冲入將門洞內接連寨房二間

燒燃復經我兵續拋火彈賊匪燒死壓斃者甚

多維時天色已明_臣等督同侍衛鎮將並滿漢

屯土官兵環圍攻打其有被火燒急冒死突出

之賊匪十餘人盡被官兵勦殺惟此門洞寨房

相距碉寨中隔小院碉寨更有一層圍牆以致

火勢不能透過餘賊仍敢死拒不出於牆眼內

施放鎗矢屯兵陣亡一名帶鎗矢傷三名時已
 午刻隨將官兵暫撤伏念_臣等現帶漢屯官兵
 一千餘名除前後各路分撥防禦外尚有勁兵
 五百餘以之勦辦一百餘名之賊誠屬不難惟
 查碉寨塔圍層疊較之東南寨房更加高聳陡
 立墻根埋石頑大開挖維艱兼之遇此大雪人
 力難施十七日又復密布同雲風雪交作至今

尚未晴朗_臣等實不勝焦急連日糧運不通文
 報阻滯查_臣等前過通拉山因有積雪本係沿
 山繞道而行今如此大雪諒該處必然封阻_臣
 等先於十四日派撥官弁並戴琫烏珠拉旺帶
 領唐古忒兵五十名查看聶拉木至第哩浪古
 一帶道路趕緊收拾開道直至十八日遞到十

二月內所發
 山平
 四日

諭旨三道查在通拉山下尼吉塘耽擱四日幸得烏
珠拉旺前往開路始得通行拉運亦係開路之
後方能接續運到並據總兵張芝元稟報派出
夜間防卡之屯練因雪大不能向火十四日晚
間凍死一名凍裂手足者二十三名並據堵禦
木薩橋地方之屯備木塔爾稟稱該處一帶下
雪更大各卡帳房六半被雪壓倒幸屯兵等俱

各無恙當經_臣等查明凍傷各兵酌賞銀兩派

人送至拍甲嶺喇嘛寺內調養現在各處圍墻

拏卡防範甚爲嚴密賊旣死守窮窟無處潛逃

卽有外來賊兵亦無路可入茲復預備柴薪火

彈並多製攔牌沙袋木梯等項一待天色晴霽

卽可設法攻燒

鄂輝成德又奏言竊查保泰等前奉

諭旨派令兵丁范忠前往廓爾喀賚送諭帖臣成德
於巴都爾口地方見其回來當卽畧問供詞令
范忠等先回前藏臣鄂輝昨在脅噶爾途次適
范忠與同去之濟仲喇嘛薩珠及廓爾喀差出
之納朗密瑪二人到來呈出與保泰等回稟及
喇特納巴都爾沙瑪爾巴寄達賴喇嘛濟隴呼
圖克圖信各一封臣鄂輝詳加詢問據范忠稟

稱乾隆五十六年十月十七日奉差往廓爾喀
送信達賴喇嘛隨派濟仲薩珠偕往十一月十
三日自聶拉木起身喇特納巴都爾先經得信
派令五十二年進京頭人哈哩薩野至竹巴地
方迎接二十六日行抵陽布見過喇特納巴都
爾一次巴都爾薩野二次取有回稟廓爾喀復
派在藏貿易之納朗密瑪二人一同出來欲取

臣等回信濟隴聶拉木教習兵丁王剛等四名均與相見未令同回丹津班珠爾等並未見面范忠卽與薩珠及納朗密嗎等三人於十二月初八日自陽布起身回來等語臣鄂輝當令該兵丁等暫住勝噶爾隨卽馳赴軍營會同臣成德查有認識廓爾喀番字之人將來稟譯出其意尚欲臣等照前剖斷伏念聶拉木賊匪旣經殲戮殆盡亦當令其震懾

天威俾知畏懼此次給發諭帖本擬卽令納朗密嗎二人賫往但該番等旣至藏地必聞後有大兵進剿之信一經洩漏賊必早爲預備於進剿機宜殊有關係查納朗等二人向係在藏貿易且納朗現有眷屬在藏明係廓爾喀遣此無足重輕之人探聽消息臣等現飭范忠帶赴前藏交

與噶布倫等小心看管事竣再行辦理現於拏
獲賊匪內酌遣無關緊要之格西那哩一名賚
諭前往更可將大兵殺賊情形回巢通告亦足
以懾伏廓爾喀番衆之心

同日孫士毅奏言伏查由藏至鑪自去秋迄今
往來文報較繁一切續調土練撥運兵餉以及
解送軍裝火藥添製攻勦器具均從川省內地

運送即使西寧一路添設臺站其打箭鑪一路
仍難裁減與其兩路設臺徒滋糜費誠如一

聖諭歸併打箭鑪一路行走較爲徑捷查自雙流縣
至西藏爲南路自成都至廣元縣爲北路常年
北路差務多於南路是以額設馬匹北路較多
就現在而論南路差務數倍於北前此
報從西寧行走不敢妄議加增今旣歸打箭鑪

一路馳遞福康安又早經抵藏嗣後文報往來益加稠密應請將南路馬匹暫照北路之數一體安設臣已加派弁兵出口添駐腰塘雖口外坡嶺較峻而兵數旣敷馬力亦足必可加緊馳遞俟軍務告歲仍卽照舊安設現將塘站弁兵嚴定賞罰如於所限里數之外早到一刻二刻立卽分別給賞其有遲逾卽枷示大路如此明

立勸懲文報定可較前捷速均奏入

上命軍機大臣傳諭福康安海蘭察奎林惠齡孫士毅鄂輝成德曰賊匪在聶拉木西北官寨屯聚不過百餘人鄂輝成德帶領千餘勁兵攻勦旬日尚未能將官寨全行克復目下氣候已屆春深雨雪自久經晴霽且賊匪人數無多水道亦已斷絕諒不能更延殘喘鄂輝等攻克官寨後自卽將濟隴

緘轄兩處賊匪以次勦除至喇特納巴都爾等稟帖內稱聽見將軍大人們親自前來我王子甚歡喜求施恩與我們照從前一樣剖斷等語賊匪貪狡性成其意尚欲照依前議爲之清理地租現在鄂輝等接到來稟一面先行檄諭喇特納巴都爾令其親至邊界爲牽綴賊人之計亦祇可如此辦理此時福康安自己馳抵邊界遵照節降諭旨統

領大兵相機進剿鼓勇直前諒此么膺小醜不難尅期集事再喇特納巴都爾等寄呈保泰雅滿泰稟帖內稱前者我王子給過二位大人稟帖大人並不與我們作主也沒有給我們諭帖等語可見此次廓爾喀賊匪未經侵犯邊界之先卽有稟帖寄呈保泰雅滿泰其稟帖自必將索取地租緣由說明保泰等何得諉爲不知乃伊二人並未奏明

亦未將稟帖進呈殊不可解伊二人現在柳號前
藏卽著福康安詳加查訊廓爾喀原稟現在何處
何以前次並不奏明又不將原稟一併進呈是何
主見令其據實登答毋任稍有隱飾若果伊二人
並未見過稟帖或竟係丹津班珠爾將稟帖私自
藏匿未經呈出亦未可定務須查詢確實附便奏
覆再據孫士毅奏川省自雙流縣至西藏臺站向
設馬匹較少現在增添馬匹並派弁出口添駐腰

塘加緊馳遞等語西藏文報節經降旨歸打箭鑪
一路馳遞該處臺站向設馬匹不敷馳送自應酌
量增添以速郵遞

上諭內閣曰此次屯兵等隨從攻打聶拉木賊寨奮
勇受傷殊屬可憫所有陣亡屯兵著照陣亡例議
恤其帶鎗矢傷兵丁三名著福康安等查明優加

賞賚至奮往開路之烏珠拉旺及凍死並凍裂手足被雪壓倒帳房之各屯兵俱著福康安等一體查明分別酌量賞恤以示軫念戎行至意再帶鎗受傷及防卡屯練凍裂手足者二十三名內如療治痊愈尚可留用卽仍留軍營倘已成殘廢卽令其各回本屯用昭體恤

二十七日

丙寅

福康安奏言竊查賊匪現在邊界

逗遛鄂輝成德攻圍聶拉木雖未得手但賊匪歸路已斷不能竄逸數日內應有捷音遞到臣現將應辦要事趕緊辦理不日起身馳赴軍營先將聶拉木濟隴絨轄等處賊匪勦辦並嚴催各起巴圖魯官兵速爲齊集卽行尅期大舉直入賊境痛加殲戮惟是大兵未集之前亦應偵探賊情預行設法佈置連日逐加詢訪詳細籌

酌查得前獲賊目崗噶勒塔則西係跟隨喇特
納巴都爾之人尚能悉賊匪情形前經鄂輝奏
明暫緩解京留備詢問臣將該賊目親提研訊
與鄂輝前訊供詞大畧相同訊以巴都爾薩野
專擅管事爲日已久賊會並各頭人是否與之
和睦據供巴都爾薩野與王子喇特納巴都爾
之父西噶巴都爾薩野係同母兄弟又有西爾
噶斯納薩野巴喇巴都爾薩野二人係異母兄

弟俱管事大頭人上次搶佔聶拉木等係西爾
噶斯納薩野帶兵前來因沙瑪爾巴曾向巴都
爾薩野誣告伊在聶拉木辦事不公私得銀兩
是以與沙瑪爾巴不對此次巴都爾薩野與沙
瑪爾巴商議帶兵侵藏伊又說不可動兵巴都
爾薩野甚是惱怒就把西爾噶斯納薩野所管

之事全行革退巴喇巴都爾薩野現管喀控等處地方平日也與沙瑪爾巴不和這兩個頭人都是王子之叔因巴都爾薩野管事年久心裏不服與巴都爾薩野俱不和好等語臣查該賊目所供雖未足憑準但巴都爾薩野攬權管事惟所欲爲賊酋現年十七漸已長成事事聽其主持或不免心存猜忌詢之崗噶勒塔則西亦

供王子敬重西爾噶斯納薩野其巴喇巴都爾

薩野與巴都爾薩野並非一心且西爾噶斯納

薩野等二人見巴都爾薩野諸事專擅又與沙

瑪爾巴朋比爲奸勢難和睦而西爾噶斯納薩

野因事被革更必心懷怨望詳察賊匪供詞未

必盡皆虛捏至唐古忒兵丁雖屬怯懦然其中

豈無勇往之人從前督率無人又因向不給予

口糧每藉端逃避與賊接仗退縮不前臣到藏

後卽行出示諭以古方天下

皇上保護黃教及全藏番民之意妥爲安撫並諭該

番民等如有情願自効出兵者准令投赴軍前

効用此等唐古忒番兵雖打仗不能十分得力

而以之巡守地方堵禦隘口亦可藉資調遣再

前白賊巢回藏之扎薩克喇嘛噶勒桑丹結與

沙瑪爾巴徒弟裕哩二犯俱經嚴行訊問與鄂

輝前訊供詞雖屬相符但查噶勒桑丹結一犯

係沙瑪爾巴與賊目商令回藏之人又欲如前

次講和訊以賊中情形惟稱被賊看守不能深

知底裏再三研訊總未詳悉供吐自係與沙瑪

爾巴串同一氣故令回藏探聽消息應將該犯

鎖押解京辦理格哩一犯係沙瑪爾巴徒弟所

供沙瑪爾巴曾向巴都爾薩野說過西藏是

天朝地方得罪不得的明係為沙瑪爾巴飾詞開脫

形迹更屬可疑查該犯向隨沙瑪爾巴在廓爾

喀居住年久恐有備訊之處現在嚴行押禁暫

緩解京

福康安又奏言臣到前藏後因賊匪尚未竄回

將緊要事件畧為部署即日馳赴軍營督辦海

蘭察等及巴圖魯侍衛章京並各起兵丁尚未

到來現派知府隆興知縣常發祥馳赴多倫巴

圖爾一帶並攜帶馬匹口糧前往以資接濟其

川省所運鉛藥軍需至今尚未趕到經臣嚴行

飭催並派藩司景安前往察木多一帶沿途催

趲聞東路一帶烏拉短缺得有大員嚴催可以

尅期到藏又川省所辦箭枝現據惠齡奏明孫

欽定四庫全書
卷二十一
五
士毅在川省辦箭一萬枝惠齡復添製三萬枝
一併解送前來查箭枝爲行軍利器索倫達呼
爾兵丁騎射尤其所長今有此項箭枝甚爲得
用已令景安一併迎催卽行解赴軍營應用毋
稍遲悞惟自藏至軍營一路運送糧食軍火軍
裝需用烏拉甚多現在烏拉短缺辦理極爲竭
蹶揆厥所由總緣藏地積習疲玩遇事皆然自

噶布倫以及大小頭人多不出備烏拉惟派番
民當差遠處住牧者不能調集應付而附近番
民人等更番僱用頗形苦累奏辦仍屬無幾因
思西藏地方畜牧是其本業噶布倫戴琿第巴
營官大小頭人等及各寺喇嘛無不牧養牛隻
若果各出烏拉應差原屬衆擎易舉此次進剿
廓爾喀賊匪仰蒙

皇上勤帑發兵本為保全衛藏噶布倫等素享豐厚

當此軍興之際分應首先出力仰報

聖恩豈可坐視不辦徒累番民臣到藏後即傳齊噶

布倫等諭以此次奉

旨特派大兵進剿賊匪全為保護黃教撫安番眾爾

等自應痛改積習共思出力報効如此剴切曉

諭明白開導並令署理駐藏事務侍衛額爾登

保同林儒趕緊督催現據林儒自行捐辦牛五

百頭為之倡率噶布倫戴琿第巴營官頭人等

均皆遵奉面諭感激

天恩踴躍趨事即達賴喇嘛班禪額爾德尼以下及

各寺呼圖克圖大喇嘛等亦願將所養牛隻助

出烏拉現在共有牛一萬五千頭分派各糧臺

往來輸運核計已屬敷用庶糧運一切得以通

行無悞而前藏至軍營一路窮苦番民均可無庸差派免致擾累以仰副正千總各派各營聖主加惠遠人輯寧衛藏至意亦願洪福永世天恩福康安又奏言臣前在西寧時恐西藏需兵之處較多安臺弁兵一時未能到齊與勒保會商酌帶甘省將弁兵丁隨同前往及臣行至藏界卽派令將備等將所帶兵丁沿臺安設茲西藏

臺兵業經安齊甘省弁兵俱應撤回當卽飭令仍回甘省據副將達音泰遊擊楊宗澤雷仁守備德寧劉貴等僉稱副將等隨赴西藏安臺現因西藏臺兵已經安設飭令隨兵回甘伏思副將等身係武職仰沐天恩來至前

天恩理應出兵打仗稍効微勞現在本營並無緊要事件副將等業已來藏情願隨往軍營力圖報

効等語臣查現赴聶拉木進剿賊匪帶兵正在
天恩需人後起巴圖魯侍衛等尚未到齊該副將等
從前俱曾在軍營帶兵打仗茲因安臺來至前
藏告求出兵自應准其所請帶往軍營其千把
總外委兵丁等亦多告請隨赴軍前効力臣擇
其曾經出兵年壯技優者酌量帶往派令帶領
屯兵打仗殺賊其餘患病軟弱之人概令回甘

另造清冊咨部查核再甘肅藩司景安奉

旨稽查臺站隨臣赴藏寧夏府知府隆興經勒保奏

派出口安臺各抵藏界後復經臣派令該員就

近一併安設隨同來藏茲據景安隆興稟稱職

等身係滿洲受

恩深重當此軍興之際理應出力且景安歷任藩司

茲復蒙

恩賞戴花翎感激圖報俱懇請前往軍營等語 臣查

恩獎西藏查辦軍臺糧務止有道員林儻一人督同

糧員辦理實屬不敷今林儻隨往軍營管理糧

臺道路遙遠其各處運送糧餉及東路一帶催

運軍需鉛藥僱辦烏拉等事均須大員催趲稽

查方能迅速景安藩司本任現係臬司鄭製錦

署理該藩司辦事結實懇請在軍營効用情詞

極為真切請

旨將景安留於西藏委令催辦糧運烏拉各事宜可

隨時資得力其寧夏府知府隆興本缺亦經勒保委

辦該員署理該員辦理一切事務不辭勞瘁應請一

併准其告留以備差委

福康安又奏言 臣奉到

諭旨衛藏一切事務嗣後駐藏大臣與達賴喇嘛商

命同辦理其噶布倫等應與在藏章京會辦不得稍有專擅等因仰見

皇上綏輯遠人大公至正於衛藏疲玩積習

洞燭無遺駐劄員缺駐劄一事務亦不檢校

訓誡周詳永垂法制臣查藏地例設噶布倫四人管

目辦理一切事務設有噶厦公所辦理事件其分管

地方之第巴營官頭人等俱聽噶布倫指揮遇

有應辦事件皆由噶布倫轉稟達賴喇嘛辦理

間有稟知駐藏大臣之事駐藏大臣亦不能每

事與聞而達賴喇嘛深居習靜外事未能周悉

誠如

聖諭離塵出世之人豈復經理俗務因此噶布倫等

乘機干預多致專擅從前又有達賴喇嘛弟兄

及管事喇嘛等串通無弊遇有事務徇私偏袒

辦理不公積習相沿已非一日將來事定後自
應另立章程申明約束臣於奉到欽陳報單只
諭旨後卽詳悉告知達賴喇嘛及濟龍呼圖克圖各
呼圖克圖大喇嘛等現在辦理諸事令暫署駐
藏事務侍衛額爾登保督率辦理不許令噶布
倫等滋弊將來辦理善後事宜時再當定立章
程永遠遵守至駐藏大臣總理衛藏事務最關
緊要因循日久尤宜大加振作鄂輝人甚安詳
心思細密遇事雖間有稍軟之處然於藏地情
形尚爲熟悉現蒙

聖恩棄瑕錄用應倍加奮勉其舒濂所遺員缺自己
奉

旨簡放有人面承

訓示來藏與鄂輝商同辦理諒能諸事妥協均奏入

上命軍機大臣傳諭福康安海蘭察奎林惠齡鄂輝
曰福康安奏確查藏中情形及籌辦運糧烏拉各
摺現在邊境逗遛賊匪經鄂輝成德攻剿圍困賊
匪歸路已斷自可無從竄逸福康安在前藏探訪
賊情預爲設法布置於剿捕機宜自爲得力計福
康安到藏後查辦數日其續調之屯練及索倫達
呼爾各兵諒已先後可到自必卽儘先到之兵率

領前抵聶拉木一帶廓清邊界乘勝深入迅奏膚
功又摺內稱運送糧石軍火等項烏拉短絀總緣
該處噶布倫及大小頭人都不出備烏拉惟派番
民當差頗形苦累現諭噶布倫等趕緊預備並據
達賴喇嘛及各寺呼圖克圖大喇嘛等各助牛隻
已足敷用等語此次進剿廓爾喀原爲保護藏地
其運送軍糧火藥等項所需烏拉自應該噶布倫

欽定四庫全書
卷二十一
三

等公同備辦乃該處噶布倫大小頭人等較爲殷實轉置不辦惟派番民當差以致駐牧較遠處所一時不能調集而番民更番僱用多形苦累豈急公趨事之道現經福康安傳集噶布倫等曉以大義已據達賴喇嘛等各出牛隻足資應用所辦實爲得理將來歲事後當酌量獎賞以示體恤仍著福康安將此項烏拉前次專派派番民實該噶布倫

等辦理錯悞今達賴喇嘛及各呼圖克圖大喇嘛等各出牛隻備用方爲明曉大義將來大皇帝必加恩賞之處詳晰告知達賴喇嘛等俾其益知感激爭先効用再前因舒濂在藏病故駐藏需人已
有旨令鄂輝卽回至前藏辦事俟事竣後並令成德駐藏幫同辦理此時藏內雖有額爾登保在彼但伊向在侍衛上行走未曾經事恐辦理諸務不

能得要鄂輝人尚細心於藏地情形亦爲熟悉且
福康安抵邊界後足資料理應遵前旨卽令鄂輝
速回前藏辦事將來藏內事務均須酌定章程由
駐藏大臣主持督辦不准噶布倫等專擅成德遇
事未免粗疎且伊二人不相統屬卽在藏幫辦恐
亦未能得力俟大功告竣後再降諭旨再鄂輝成
德連次奏報已將西北官寨賊匪剿殺焚燒又將

寨門挖溝擲火燒斃賊匪該處雖連次遇雪自己
晴霽賊匪水道斷絕勢力窮蹙不過株守一隅束
手待斃何以又隔多日尚未將該處賊匪殲除淨
盡著成德等卽行督率官兵奮力攻剿再將絨轄
等處賊匪以次廓清合兵深入毋得稍有延緩致
滋咎戾

能得要點點人尚細心於其地情形亦為熟悉
幽谷冥冥邊界後之資其理應應前首即命別
準與規祖以水相衝合其將人共舞除其或疑
盡善必熟等唱行皆率官其舊代文曠再錄錄
手林漢何以又謂多日尚未採其或知祖錄
即覆規祖水飲潤錄錄其錄錄不錄林守一開東
欽定廓爾喀紀畧卷二十一

